

CIMELIA

Qu	5382
----	------

Qu	5383
----	------

Qu	5384 kat.komp.
----	-------------------

IV. a. 15 $\frac{1}{2}$



5382-5384

CIMELIA

Hist. 2955.


IV. c. 21. a. b. c.


IV. a. 15 $\frac{1}{2}$



Hist. 2955.

IV. c. 21. amb.





CAROLI CARSI
PONTIFICIS AC DVCIS
LINGONVM, FRANCIAE PARIS,
& sacri Concilij Senatoris
Oratio,

*Ad amplissimos Legatos Polonorum Metis habita,
Anno Dom. M.D. LXXIII. A.D.
IIII. Id. Augusti.*



PARISIIS,
Ex Officina Petri l'Huillier, via Iacobæa,
sub signo Oliuæ.

1573.

CVM PRIVILEGIO.

CAROLI CARSI

PONTIFICIS AC DVGIS

LINGONVM FRANCIAE PARTIS

& sacri Concilii Senatoris

Ordinis

Ad hunc signum Legatus Pontificis hunc habuit

Anno Domini M. D. LXXIII. AD.

III. Idibus



Cin 5384


PARISIIS

Ex Officina Petri Wulffier, via Jacobae
sub signo Olivae.

1773

CVM PRIVILEGIO

3



CAROLI CARSI

PONTIFICIS AC DVCIS

LINGONVM, FRANCIAE PARIS, ET

*sacri Concilij Senatoris, Oratio ad amplissimos Legatos
Polonorum Metis habita, Anno Dom. M. D.*

LXXIII. ante diem IIII. Id. Augusti.



VM DE VESTRA Legatione ad Regem Christianissimum allatum est, amplissimi Legati, vos pro sua maiestate, & huius Imperij dignitate, magnificè admittere ac dimittere decreuit. Primùm, quod Legatis antea nullis datum est, id vobis tribuendum putauit, vt delecto comitatu ad extremos vsque regni fines vobis obuiam veniremus, quò Regum, ac Reginarum, omniumque principum, ac totius Senatus, populique Franci, erga Senatum populumque Polonum, eximiam voluntatem, fidem, amicitiam magis ac magis testificaremur, deque vestro in Galliam aduentu vobis oratione, vultu, omni que splendido apparatu gratulareremur, & in aulam Regiam deduceremus. deinde cum nulla post hominum memoriam Legatio magis honorifica sit ab ullis Principibus aut populis ad Principes missa, quam quæ est à Senatu populoque Polono in Galliam decreta: sic etiam publicæ gratulationis ac lætitiæ modum

nullum Rex adhiberi voluit, sed omnes omnium arces,
 vrbes, oppida, vestrae dignitati iussit & amplitudini pa-
 tere. Neque vos illud commoueat, amplissimi Legati, si
 plerique tum alacri, tum etiam moesto vultu vobis esse
 videbuntur. Sic enim existimare debetis, regis Poloni
 creationem varios ac discrepantes animorum motus,
 moerorem, inquam, ac laetitia in vniuersa Gallia exci-
 tauisse: ita ut incredibile videatur, quod tamen verum
 sit, eosdem angere simul & gaudere, moerere ac laetari. A-
 cerba quidem visa res est bonis omnibus, à tanto tam-
 que generoso principe Rem illam publicam deferri,
 quam antea praecipiti casu ruentem, salutaribus regis
 auspiciis, ab interitu vindicauit: eoque acerbior, quod
 illa incedia quibus, sed reprimere nos oportet, ne quid
 male ominari videamur. Iam vero cum huius imperij
 gubernacula Rex optimus Carolus vestri regis fidei ac
 prudentiae concredidisset, eiusque consiliis ac virtute
 claras & illustres victorias adeptus esset, maiores etiam
 speraret, quid mirum si plerisque acerbissimum videtur
 tanti ducis praesentia, consilio, virtute carere? Sed cum
 eundem nunc à vobis acciri vident, ut in altissimo di-
 gnitatis & honoris gradu ad Imperij quoque vestri sa-
 lutem constituatur, profecto laetari necesse est, ne regi ve-
 stro suam fortunam, vobis vestram felicitatem, Fracis om-
 nibus suam gloriam inuidere videantur. Ac tamen mo-
 roris & laetitiae modum tenere difficile est, qui tamen
 ciues de regis Poloni creatione propterea insolescunt,
 ut illum aliquando abesse gaudeant, de sua leuitate ac
 nequitia: & qui sine quadam laetitia dolent, de inuidia
 sua confitentur. Quid enim Gallorum nomini glorio-

5
lius vnquam accidit ab exteris populis, quàm hominem Gallũ regno tam amplo atque opimo beari? quid principi fortunatius contingere potest, quàm summa populi voluntate consequi regnum, cuius adipiscendi causa homines omnia iura violare consueuerunt? quid à diuina maiestate propius abest, aut in rebus humanis augustius esse potest, quàm regia potestas? at hæc omnia vestro regi non prius quæsita quàm oblata, nec petita quàm delata fuerunt. Tantam igitur fœlicitatē, tantũ in summa fortuna imperium regi vestro tributũ ægrè ferre, inuidi magis est quàm amici, aut seipsum potiùs amātis quàm regem. Sin quisquam est de huius Imperij salute magis quàm de sua sollicitus, omni metu ac suspicione facile sese liberabit, si planè intelligat, id quod vnicuique persuasum esse debet, regis vestri creationem non humanis artibus aut consiliis, sed diuina procuratione ac sapientia cœptam & cōfectam fuisse. Primũ quidem potestates omnes ac imperia Dei præpotentis munere & concessu tribui, toties ac tam apertè sacræ literæ declarant, vt dubitare, scelus: ambigere, nefas sit. deinde cùm diuina illa prudentia in omnibus omnium imperiis conspicua sit, tũ verò clariùs sese ostendat in iis, quæ non edicto successorio, sed summa populorum inter se conspirantium fide & consensione ad hominem peregrinum deferuntur: propterea quòd qui res humanas ex fortunæ temeritate potiùs quàm ex diuina sapientia interpretantur, imperia fraudibus ac dolis, aut armorum vi ac metu, aut ereptis suffragiis & gratia extorqueri putant. At regis Poloni creatio, nec sordibus vllum, nec fortunæ locũ reliquit: sed sola virtutis com-

mendatione sceptrum illud, quod ab omnibus Euro-
 pæ principibus tanta cupiditate appetitum est, vni An-
 dium duci extra sortem ab immortalī Deo reseruatū
 intuemur. Sunt hæc regali & augusta principis electio-
 ne digna: illud tamen magnificentius est, quod in ve-
 stris comitiis non aliorum Principum legionibus ter-
 riti, non finitimorum regum potentibus studiis per-
 suasi, non Gentilium propinquitatibus adducti, vnius
 remotissimi principis virtuti ac veræ gloriæ fauistis.
 Neque tantummodò ducem Andium regem fecistis,
 quod est ipsum per sese amplissimum, sed ita fecistis,
 quomodo pauci facti sunt, peregrinus antea nemo. Nō
 enim tacita suffragia paucorum, sed viua vox omnium:
 non ambigæ aut obscuræ singulorum sententiæ, sed
 vniuersi Senatus populique Poloni iudicia, voces, ac
 plausus sibi congruentes, tanta cum acclamatione re-
 gem declarauerunt, vt ne Dei quidem vox, si tunc into-
 nuisset, exaudiri potuisse diceretur. & vt nullum diui-
 næ bonitatis indicium deesset, cœlum ipsum, quod an-
 tea triste ac turbidum extiterat, illo die, qui comitio-
 rum fuit extremus, repentè serenū clarissima cum lu-
 ce affulsit, vt non modò Sol ipse ac sidera cœlestia, sed
 etiam Deus optimus max. illa trāquillitate certissimam
 suæ voluntatis mortalibus testificationem præberet.
 Cū igitur humana suffragia diuino testimonio com-
 probata sint, quid aliud est ægrè ferre diuinam illam
 Regis vestri renunciationem, quàm Deum ipsum, cui
 nulla vis resistere potest, oppugnare velle? Aut quis du-
 bitat quin Deus immortalis, qui vestros sensus ac vo-
 luntates impulit ipse per sese, optatissimum exitū idem

sit allaturus? Neque enim Regi Christianissimo prudentia, nec opes, nec animi vis vnquam deerit, quibus Rempublicam per se ipse tueatur. habet etiam præterea duces exercituum fortissimos, quibus hostium impetus coërcere ac retundere facile potest. quæ cum intelligeret rex Polonus, assentiendum putauit diuinæ primum voluntati, deinde consilio Christianissimi Regis, ac sapientissimis Polonorum decretis, qui Regis vtriusque precibus ac rogaionibus acquieuerunt. Fallunt enim, qui Regem vestrum imperadi cupiditate potius quam verissima laude, quam rerum gerendarum maxima spe teneri putant. vbi enim gentium maiore cum voluptate imperaret, quam in Frâcia? Nam cum Regi Christianissimo fratris integritas, prudentia, fides comperta fuisset, non dubitauit illum sibi potentia, opibus, imperio secundum designare, omnesque militaris ac domesticæ disciplinæ rationes illi committere. quid autem aliud est regnum, quam summa Principis legibusque soluta potestas? hanc à fratre Christianissimo Dux Andium pro sua virtute adeptus fuisse videtur. Certè quidem tanta fuit regis Poloni erga Regem Christianissimum modestia, vt eius imperio ac legibus parère, quam alibi, id quod omnes intelligunt, regnare gloriosius esse duceret. Sed cum idem ipse summo quoque Imperio dignus omnium consensu iudicaretur, nec vllum in orbe terrarum vniuerso regnum vestro nobilius esse Rex audiret, Legatione ad S. P. Q. Polonum decreta petiit, vt in vestris comitiis ratio ducis Andium haberetur. beatum te, Valentinorum diserte pontifex, cui contigit, vt cum ætas ingrauesceret iam tua, pulcherrimum hunc vitæ

tuæ, quasi fabulæ, extremum actum obires ! Huic rogationi S. P. Q. Polonus non modò libenter acquieuit, sed eum inter tot, tantisque virtutibus, opibus, ac nobilitate claros competitores, non solùm amplissimo regno dignos, sed partim etiam reges potētissimos, Henrichum ducem Andium prætulit, ac tanto imperio dignissimum iudicauit. & rectè quidem iudicauit. Quis enim regi vestro vel bellicis laudibus, vel vlla virtute (excipimus Regem Christianissimum) comparari potest ? Nam cùm optimè sit à natura, vberius etiam à doctrina informatus, omnium virtutum orbem ita complexus est, vt cum ætate florenti omnes in eo virtutes simul efflorescant : quinetiam ætatem sapientia ipsa longè superauit. id quod vel à puero satis intellectum est. Cùm enim ætate adhuc molli ac tenera ad solidam gloriam & verum decus informaretur, iam iam immortalitatis amore flagrabat : & quoties aliorum principum gesta narrantes audiret, ille admirari, interdum etiam ingemiscere solebat, vt iam virtutum pulcherrimos fructus parturire videretur. nec spem hominum fefellit. Nam simul ac impubes ad exercitus & castra vocatus esset, vt pro patriæ salute propugnare consuesceret, breui tantùm profecit, vt famæ amplitudine terrarum orbem impleuisse videatur. Neque enim victorias, quas fufis & fractis partium ducibus adeptus est, hîc commemorare necesse habemus, quóque modo cædem, incendia, rapinas, libidinem, à ciuium suorum vita, tectis, fortunis, corporibus arcuerit : quæ tam magna sunt, vt neque prætermitti sine flagitio, ac tam multa, vt nullius orationis vbertate contineri possint. Sed tamen cùm ea gesserit,

gesserit, quæ princeps illa ætate nullus (semper excipiamus Regem Christianissimum) cum etiam verissimis laudibus ac triumphis in cœlum vsque vehatur: quibus rebus homines quasi secundo fortunæ flatu intumescere consueuerunt: in eo tamen principe tanta est animi moderatio, vt nihilo maior, sed etiam summissior sit: vt videatur solis cursum imitari, qui quò altiùs è terris euehitur, eò minor apparet. quo fit vt mista illa modestiæ grauitas, omnes omnium oculos in vnus sui rapiat admirationem. Hæc apud vos quidem, clarissimi Oratores, etsi purè ac sine amplificatione dicuntur, ea tamen nullus ausit eo præsentem prædicare. Nam cum eius animus ab omni assentatione abhorret, tùm verò iustissimas ac suæ virtuti debitas laudes sine rubore ac pudore ferre nullo modo potest, vt tùm etiã in eius ore ac vultu efflorescat virtus ipsa. Quid autem attinet dicere de generis splendore ac nobilitate, quo vno tamen homines sese diis æquare conantur? vt enim reges omnes, qui toto terrarum orbe longè latè imperia propagarunt, in vnum conferantur, non sunt (absit inuidia dicto) non sunt, inquam, cum antiquitate ac nobilitate gentis Valesiæ comparandi. Nam quod fabulosè Caius Cæsar in concione populi Romani à diis ortus sui primordia repetere ausus est, id verissimè ac optimo iure prædicare possumus de gente Valesiorum, quæ & principes habet in numerum diuorum relatos, & reges ab vna & eadem stirpe plures enumerare potest, quàm Heraclidarum, quàm Arfacidarum, quàm Iuliorum gens regulos habuit vnquam, qui tamen innumeris parricidiis ac cædibus sui generis claritatem foedissimè labefactarunt:

quod plerisque principibus nescio quo fato misero funestóque accidisse videmus, qui nec parêre, nec imperij socios ferre potuerunt. at in gente Valesiorum nulla parricidia extitisse videmus: tametsi gens illa non modò Francorum, sed etiam Polonorum, Britannorum, Insubrum, Neapolitanorum, Siculorum, Florentinorû, Hungarorum regna, ipsiúsque imperij Græcorum arces ac sedes diu tenuit, aliósque ex aliis principes perpetua ferie ad hæc vsque tempora propagauit. omitto regna Syriæ, Castellæ, Aragoniæ, quæ optimo iure Valesia domus sibi vindicare potest. O diuinam beati Ludouici stirpem! ô foelicem Valesiorum gentem, quæ non modò Frâcis, sed etiam exteris nationibus regum seminarium educare consueuisti! Neque enim nouum est, clarissimi Oratores, quòd S.P.Q. Polonus ex hac principum officina regem sibi nunc deposcit: cùm antea Ludouicum regem Hungarorum Caroli Martelli filium, cuius auus diui Ludouici frater ad Italiæ sceptrum vltro vocatus erat, ex peregrinis principibus, Cazimiri magni consilio, regem Polonorum designarit, ac recusantem precibus accire non dubitaret: cuius erga Deum religionem, pietatem in patriam, charitatem aduersus peregrinos, iustitiam in omnes tantoperè adamauerunt Poloni, vt eum absentem per Legatos imperare permiserint, eiúsque filias Mariam & Heduigem, repulsis omnibus finitimis principibus, reginas sibi depoposcerint, tametsi foeminarum imperia semper abhorruissent. Sed quoniam optimi principis memoria vestros animos dolore perculit, vt quidem intuemur, reticendum nobis est, ne vobis acerba sit oratio nostra. Non igitur mirum vi-

deri debet, si nunc intermortua stirpe Iagellonis, qui Hedvigem sibi desponderat, nunc rursus ad gentem Valesiorum regni sceptrum detulistis. O magnum & excelsum principem, qui iam hac ætate de tuis virtutibus tantam famam excitauisti, ut exoriētis tuæ laudis splendore tot principum oculos præstringeres! Atque in eo quidem valdè laudanda nobis est Polonorum sapientia, qui vnus principis virtutem omnibus omniū opibus ac promissis prætulit. Sed cuius tandem regni, cuius populi Henrichus rex electus est? an vnus vel alterius oppidi, quales ferè Græcorum veterum ac Latinorum reguli? an etiam ignauorum ac imbellium hominum? minimè verò: sed Polonorum, & eius imperij, quod multò latiùs patet, quàm Francorum. & certè quantum sit, vel ex eo intelligi potest, quòd rex Iagello principatum Bohemiæ, Sigismundus verò Augusti pater, Daniæ, Bohemiæ, & Hungariæ regna non petita, sed vltro delata repudiarunt, ut iucundius illo regno, quod frugum vbertate & copia nulli cedit, ac suauissima consuetudine Polonorum fruerentur. Cùm dicimus Polonos, minimè verendum est ne non satis intelligatur qui qualésque sint, quos etiam si suo ac proprio nomine non appellaremus, attamen ex illa formæ dignitate qua præstāt, satis illos designasse videremur. sed præter corporis & animi vim ac robur, nobilitate quoque ac rerum gestarum gloria nullis populis inferiores sunt. Nam Tartarorum influentes in Europam copias sæpè represserunt: sæpius Turcarum legiones fregerunt: sæpissimè Moschouitarum exercitus deleuerunt: semper Germanorum Imperatores à regni finibus procul repu-

lerunt. ac præter Danię regnum quod suis legibus antea
 subiecerāt, Valachiam, Podoliam, Massouiam, Pomera-
 niam, Prussiam, Silesiam, Lituaniam cum regno Polo-
 nię coniunxerūt : gentes immanissimas & crudelissimas
 à feritate & impietate gētili ad humanitatem & verum
 Dei cultum reuocarūt . illud etiam maius est, quòd im-
 perij sui dignitatem inuiolabilem ad hæc vsque tempo-
 ra retinuerunt : quòd legibus ac pulcherrimarum ar-
 tium cognitione domesticam disciplinam cum milita-
 ri laudabiliter cumularunt : quòd tyrannorum vultus
 aut imperia ferre nunquam potuerunt : quòd penè soli
 ex omnibus populis antiquissimā regum electionem,
 qualem heroicis temporibus fuisse accepimus, summa
 cum libertate tuentur. Hęc est, opinor, breuissima po-
 puli Poloni descriptio : quam si quis verborum lumi-
 nibus illustrare se posse putet, is abutatur oratione &
 otio, cum ne historici quidem infinita librorum multi-
 tudine, tametsi pura ac simplici explicatione vterentur,
 res à Polonis bello ac pace gestas complecti potuerunt.
 O verè fortunatum regem, qui talem populum regere
 meruisti ! ô prudentem populum, qui talem tibi regem
 delegisti ! Nam quę optimo ac maximo principi opta-
 re solemus, ea vobis sunt, clarissimi Oratores, ab re-
 ge Polono speranda, vt scilicet sapientissimis Senatus
 P. Q. Poloni cōsiliis ac decretis, quę dilapsa iam fluxe-
 runt, restituat : vt improbos metu pœnarum coërceat :
 vt bonos præmiorum expectatione demereatur. si verò
 cum hostibus decernendum erit, vt iniuriam equitate,
 temeritatem consilio, arma armis, vim vi, à capite, à for-
 tunis, à vita ciuium propulset, nec vlla pericula pro po-

puli Poloni salute extimescat. Talem igitur principem inuenistis, clarissimi Oratores, qualem initio querebatis: apud quem nec preces ad iusta impetranda necessarie, nec ad iniusta extorquenda efficaces sint: quem nec blandimenta deliciarum ad voluptatem, nec epule ad ingluuiem, nec otium ad ignauiam, nec opes ad luxuriam, auocare potuerunt. Nam quęcunque animi nervos incidunt ac debilitant, à puero didicit abhorrere, famem ac sitim perpeti, frigore & calore obdurescere, imbres & puluerem perferre, legiones & exercitus ducere, armatas acies instruere, prælia cum hostibus inire, arces obsidione cingere, denique omnia imperatoris optimi munera diligenter obire consuevit. Quę cum in illo ineuntis adolescentię flore, & in fratris optimi regno fecerit, qualem fore putatis, cum robur ad etatem adiunxerit: cum in suum regnum peruenerit: etenim virtutis lumen illud in altissimo celoque proximo gradu honoris, quasi in excelsa quadam ac sublimi specula collocatum, magis ac magis sese ostentabit. Et quemadmodum ingentia flumina minora sunt vnde oriuntur, decursu verò magnam vim aquarum euoluunt, eoque maiora fiunt, quò à fontibus & capitibus suis longius recesserunt: ita quoque vestri regis virtus & fama eò magis augebitur, quò ipse ab ortus sui principio longius discesserit. Nam cum intellexit aduersus gentes indomitas, aduersus acerrimos ac ferocissimos omnium hostes bella sibi futura, tum alacrius exultare coepit: non modò vt nomen suum, quod iam cum æterna laude coniunctum est, ab obliuione, sed vt populum suę fidei concreditum tueri, ac imperij Poloni fines longissi-

mè propagare possit. Non igitur imperandi cupiditas illum ad hæc sceptrâ vocauit : quin potius mirum debet videri, tantum principem amicis, opibus, ætate, forma florentem, Galliæ delicias ac voluptates blandissimas dominas deferere, & in extremas Europæ regiones sua se sponte relegare. quid autem acerbius esse potest, non dicam tanto principi, sed priuato, non duci, sed philosopho, quàm à matre charissima, à fratribus amantissimis, à patria dulcissima, denique ab amicorum ac ciuium suauissimo complexu diuelli? rex tamen vester his omnibus imperij vestri decus ac iura maiestatis Polonorum anteponenda putauit. Atque in eo quidem superauit sua virtute Romanos, qui multarum gentium imperia per Legatos ad se delata recusarunt, quòd nihil inde vtilitatis sperarent. at rex Polonus non solum vtilitates illas aspernatur, verumetiam census omnes ac redditus quos habet, qui certè maximi sunt, ad imperij Poloni splendorem detulit : nec tantum opes ac pecuniâ, sed etiam sanguinem ac vitam pro populi Poloni salute fundere nõ dubitabit. vbi enim melius sanguis spargi potest? vbi melius vita deponi, quàm pro salute suorum? sui quidem sunt Poloni, qui se vitamque suam, liberos, fortunas, regnum denique ipsum quantumcunque est, in eius fidem ac tutelam dederunt. ac vicissim Poloni suum Henrichum dicere possunt, quem suis suffragiis regem sibi cooptarunt. Cum igitur rex Polonus Regis Christianissimi iussa libenter executus sit, cum iam matri optimæ pulcherrimum educationis fructum reddiderit : cum patriæ salutem pepererit : cum amicis ac ciuibus gratiam retulerit : quid amplius restat,

quàm vt regnum illud diuinitùs ad se delatum susci-
piat, ac prudenter regat? Et quidem si alia regni susci-
piendi causa nulla esset, hæc tamen satis magna illi visa
est, vt de Polonis omnibus quoad vixerit benè merea-
tur, vel potius benè de se meritis gratiam referat. Nam
inter cæteras eius virtutes eximiam illam, planèque di-
uinam beneficentiam omnibus compertam nemo ad-
miratur, propterea quòd illi est à natura ingenerata.
cùm verò didicerit principatum non suæ, sed alienæ sa-
lutis curam esse, omnes animi sui cogitationes in id
vnum cõtulit, vt semper maior ad eos, quos semel tuen-
dos suscepit, quàm ad se imperandi vtilitas ac lætitia
perueniret. Iam enim agitat in animo rationes, quibus
hospitalitate quidem Piasum, victoriarum multitudi-
ne Boleslaum II. continentia Boleslaum castum, pie-
tate Ludouicum, fortitudine Jagellonem, iustitia cæte-
ros omnes qui se antecesserunt Poloniæ reges superare
possit: tametsi omnium magnarum virtutum exempla
domestica ei non desunt, quæ sibi ipse iam pridem pro-
posuit & ad intuendum, & ad imitandum. Ex quo qui-
dem iudicare potestis, amplissimi Legati, quot & quan-
tæ vtilitates ex hac regis Poloni creatione consequun-
tur. Prima quidem hæc est, quòd S. P. Q. Polonus quasi
figno sublato principes omnes orbis terrarum, ad quos
ea fama peruenerit, ad virtutem, ad iustitiam, ad pieta-
tem excitauit: tenues quidem opibus, locupletes gloria,
omnes magnitudine præmiorum. nam cùm intellexe-
rint vos sola virtutis & famæ conscientia principem ab
extremis oris terrarum arcessere, quis dubitat quin ea-
dem inflammati gloria toto impetu ad virtutes feran-

tur? deinde principem nacti estis, quod imperij vestri proprium est, cui nec in consiliis de Republica capiendis prudentia, nec in periculis adeundis fortitudo, nec in causis tenuium suscipiendis iustitia, nec in commodis Polonorum augendis grata animi beneuolentia defutura sit. certè quidem vobis suarum fortunarum ac virtutum suauissimos fructus, nobis sempiternum sui desiderium relinquet. Illud verò quanti est, quod S.P.Q. Polonus Henricho rege creato, omni tyrannidis metu ac suspitione Rempublicam vestram liberauit? Neque enim satis est cum habere principem, qui tanta potestate sibi tributa nolit abuti, sed talem etiam, qui si maximè velit, non possit. at Poloni, vt sapienter omnia, sic etiam legibus, quas de imperio ac iure maiestatis à maioribus acceperunt, suos reges obligare solent, vt moderatis imperiis ac potestatibus ciuium libertas ali possit. quis autem legibus imperij libetius pareret, quàm Galliarum principes, qui etiam magistratuum iussis obedire consueverunt? Nec verò si leges imperij vestri perrumpere vellet, Imperatoris opes ac legiones euocabit: nec item finitimorum principum quos habuit competitores, auxiliaribus copiis vtetur. Ex omnibus tamen utilitatibus hæc vel maxima est, quæ non modò Francorum ac Polonorum, sed etiam vniuersæ Reipublicæ Christianæ salutem continet. quid enim ad imperium Christianorum tuendum ac augendum optabilius esse potest, quàm vt concordēs principum ac populorum animi inter se & cum Republica Christiana coniungantur? quid ad vtriusque gentis confociationem & amicitiam sempiternam efficacius est, quàm ex eadem familia reges habere?

bere? quid præclarius quàm duas nationes tanto locorum interuallo distantes arctissima regum societate copulare? nam quæ fratrum inter ipsos amicitia semper intercessit, eadem inter vtrunque populum futura est, vt Poloni non minùs sint amore fratres Gallorum, quàm reges vtriusque nationis eodem sanguine creti, fratres appellantur. quòd si antiquo foedere, quod Romanicum Heduis olim percusserunt, vno capite cauebatur vt mutuò fratres sese appellarent, tametsi nec legibus, nec moribus inter se congruerent: quantò nunc æquius est Polonos fratres appellari Francorum, qui non modò iisdem fratrum imperiis, ac inuiolabili foedere, sed etiam morum tanta similitudine coniugantur, vt cum Polonus in Francum incurrit, vbivbi terrarum fuerint, breuì amicitiam contrahere cogantur? Iam verò cum finitimi populi, quos vestri nominis ac fortunæ altitudo perturbat, intellexerint Polonos ac Francos eadem amicitia coniungi, quid ausuros putatis? aut quæ natio tam fortis, quæ gens adeò locuples futura, quæ duo regna potentissima ac bellicosissima, sanctissimis foederibus inter se coniuncta, non metuet? Nam qui putant locorum intercapedine mutuis auxiliis nos inter nos adiuuare non posse, illi profectò de nostris antiquitatibus malè merentur. quis est enim qui nescit Gallorum legiones angustis Galliæ finibus contineri nunquam potuisse? nam præter imperium occidentis, quod Galli suis armis subegerunt, etiam Germanias, vtramque Pannoniam, Græciam, Syriam, Galatiam, suis imperiis ita subiecerunt, vt in Gallia ortum imperij decus per omnes gentes diffusum esse videatur. Tot igitur ac tantas

utilitates, quas iamiam adepti videmur, non verbis ex-
 tenuare, sed commerciorum fide, ac mutuis legum &
 armorum studiis amplificare oportet. Sed cum in hac
 maxima & exoptatissima gratulatione vnum vobis de-
 sit, regis vestri conspectus, ac summo illius desiderio
 nobis flagrare videamini, non longa vos oratione re-
 morabimur: quin etiam desiderium illud vestrum auge-
 bimus, ut breui iucundissimæ ac suauissimæ gratulatio-
 nis huius fructum vberiore capiat. Nam Galliæ spe-
 cies, celebritas urbium, pulchritudo regionis, ac fruges
 ipsæ de vestro aduentu exultant ac lætantur: & cum an-
 teà fames inaudita Galliam premeret, nunc rerum om-
 nium incredibili vbertate & copia Deus optimus max.
 regis Poloni electionem, vestrumque in Galliam ad-
 uentum vehementer sibi placuisse comprobavit. Gra-
 tias igitur regio nomine, Senatui populoque Polono,
 ac vobis omnibus, clarissimi Oratores, maximas agimus,
 maiores etiam posthac vterque rex est habiturus. Et
 quoniam vos tam difficili ac longa regionum peragra-
 tione fractos ac fatigatos esse necesse est, illud à vo-
 bis impetrabit Rex christianissimus, ut sum-
 ma tranquillitate & quiete fruamini,
 ut in prospera ac firma vestra
 valetudine vobis ala-
 critate maiore gra-
 tulari possit.
 Dixi.

Extraict du Priuilege


D V R O Y.





AR grace & priuilege du Roy il est permis à Pierre l'Huillier marchand Libraire iuré en l'Vniuersité de Paris, de faire imprimer & exposer en vente les liures intitulez : *Caroli Carfi, Pontificis ac Ducis Lingonum, Franciæ Paris, & sacri Concilij Senatoris Oratio, ad amplissimos Legatos Polonorū Metis habitata, An. Do. M. D. LXXIII. A. D. IIII. Id. Aug. La Harengue de messire Charles des Cars, Euesque de Langres, prononcee aux magnifiques Ambassadeurs de Poloigne à Metz, le huiëtiefme iour d'Aoust, l'an M. D. LXXIII. l'Histoire des Roys & Princes qui ont dominé en Poloigne depuis Lech premier Prince, iusques au Roy Sigismond Auguste dernier decedé: contenant l'origine, progrès & auancement de ce Royaume, avec les illustres & haults faits d'iceux, tant en paix que en guerre. Oratio Franc. Balduini I. C. De Legatione Polonica. Eiusdem, De intelligentia L. Lecta.* Comme aussi il est defendu par la Maiesté dudit Seigneur, à tous autres quelsconques d'imprimer lesdicts liures, iusques à trois ans finis & accomplis, à commencer du iour que seront paracheuees lesdictes impressions, sur peine de confiscation de ce qui se trouuera imprimé, & d'amende arbitraire: le tout comme il est contenu plus au long és lettres de Priuilege sur ce obtenues à Paris le vingtsixiesme iour d'Aoust, l'an mil cinq cens soixante & treize. Par le Roy en son Conseil. Signé MORE'. Et scelees du grand seal dudit Seigneur en simple quenë de cire iaulne.

Acheué d'imprimer le xxix. d'Aoust. 1573.









Qu

Qu

Qu